



M. 9. 1786.

PK

Konigstein brüchlein.

1572-1619.

1) - 74)

PK (14)

2

**U**rbhaftige vnnnd Er.  
bärmliche Zeitung / von dem Er-  
schrecklichen wunder vñ Fetzzeichen / Erbidem / welche  
sich dises 84. Jar / hin vnd wider begeben vnd zutragen hat.  
Sonderlich inn Schwiz / Berner gebiet / ein Dorff Juorna  
genande / welches ganz vnd gar durch Erbidem von Ber-  
gen vberwelletet / vnnnd eins langen Raiss spieß vnder  
die Erden verschlucket / sampt Man Weib / Kinder  
Vih / Wein Korn / Gelt vnd Güt / &c.  
alles zu grund gangen.

Psalm. 18. *Mg 176*

Die Erde bebete vnd ward bewegt / vnd die grundfeste der Bergen  
regeten sich vnd bebeten / da der **HER** zornig war.



M. D. LXXIII. *Kopfbüch*

STADT ROSTOCK

Das ist ein Buch, das in der  
Bibliothek der Stadt Rostock  
aufbewahrt wird. Es enthält  
eine Beschreibung der Stadt  
und ihrer Umgebungen.

Das Buch ist in lateinischer  
Sprache verfasst und ist  
ein wertvolles Dokument für  
die Geschichte der Stadt.



M. D. LXXVIII





bündert sein/ des Viechs bey fünffhundert Stück / mehr oder minder ohn geferd/dar zu vil Wein vnd Frucht/dan es wol hebige vnd reiche Bürger oder Einwohner gehabt. Das ist also die Histori/wie sie ergangē/auffs kürzest vnd einfältigst doch warhafft erzelet.

**N**un ist es kein zweyffel / es werden hievon beyde von gelehrten vnd ungelehrten / verstendigen vnd vnverstendigen / mancherley sentenz vnd vrtail / von der selben vi sach vnd bedeutung gefallen / die man in ihrem wert vnd vnwerd lest bleiben. Dieweil aber auch je vnd allweg vnuerstendige / sichere / abgöttische vnd scheinheiligen mit ihrem vnzeitigen vrtail / solche als gottlose anklagen vnd verdamen / vnd sich selbst für fromb vnd vnschuldig halten / soll man billich beherzigen vnd betrachten / was vnser lieber Seligmacher Christus / solchen für ein bescheid vnd Antwort gegeben / Luc. am 13. Dann da smetliche verkündigten / von den Galileern / welcher blie Pilatus sampt dem Spffer vermischet hatte / vñ wolten hören was er darzu sagē würd / gab er ihnen dise antwort / *Meinet ihr / das diese Galileer für alle Galileern sündig gewesen seind / dieweil sie das erlitten haben: Ich sage nein darzu / sondern so jr euch nicht bessert / werdet jr alle auch also vntömen. Vnd gleich dar auff erzelt er ein andern fall / der sich die selb zeit zu Jerusalem zugetragen / oder meiner jr / das die achzehen / auff welche der Thurn Siloha fiel / vnd erschlug sie / seyen schuldig gewesen / für alle Menschen die zu Jerusalem wonen: Ich sag nein / sondern so ihr euch nicht bessert / werd jr auch alle also vntommen / Das ist der rechte bescheid / auff das freuel vnd verkerte vrtail deren leute / die da meinen / Wenn es zeitlich wolgehe / der sey fromm vnd Gott angenehm / Wemes aber für andern vbel gehet / der sey auch für andern ein Gottloser vnd verdampfer mensch /*  
nein

nein/das widerspil ist offe war/vñ hat Gott den brauch/das  
er/wie Petrus 1. Epist. cap. redet das Gerichte/das ist züch  
tigung vñ straff an seinem hause an fabe / Vnd wie Christus  
redet am Grünen holtz zeige / was für ein vrtail die dürre  
vnd vnfruchtbare beum zu gewarten haben. Sollen der hal  
ben die selbe gute Leuth/die der vnfaht beer offen / im Herren  
rñhen lassen/als die dem Herrn gestandē vñ nie gefallen sein.

Vnd sollen wir die wir in oder auffer desselben Lands mit  
vnsrer Stetten/Dörffern/heusern/leib vnd leben für solchem  
vnfal noch auffrecht stehen/wenn wir dergleichen erschrock  
liche felle sehen vñ hören/dem liebē Gott für die vns erzeigte  
Gned/schutz vnd schirm danken/vñnd solche Feuerzeichen/  
vnd schrockliche Erdbidem/wie auch die selzame vnnatür  
liche winde/witterung/blitz/donner/straal/der in kurzer zeit  
auch disen Winter/an vnderschiednen orten inn diser Statt  
vnd Land gesehen vnd gehöret. Item die vnseglichen vnd zu  
vor vnerhörte menge der neuen selzamen Vögel/die in Wes  
streich/dises Jar ankommen sind. Item plötzliche Kranck  
heit vnd dotes fälle/so in kurzer zeit/hin vnd wider fūrgang  
en/dise allesamen/vnd sonderlich solche erschreckliche Erdbi  
dem/dauon jetzt fürnemlich gemeldet wurde/sollen wir alles  
sampt/als sondere Zeichen vñ vorbotten künfftigen grossen  
vnglück's/zerrüttung/empörung/vnd allerley jamers/son  
derlich auch des nahenden Jüngsten tags / vñnd ewigen Ger  
iches/vñ straff aller gotelosen/ansehē vnd halten. Den das  
wir kürz haben/der Heydnischen Historien vñ zeugnis hies  
von geschweigē/so zeuget Gottes vnfalbar wort/vñ die Bib  
lische Historien/das es gewislich zorn zeichē seyen/als Num.  
16. Zerriß der Erdbidem vnd verschlung mit Nürten. / mit  
haab vnd güte/weib vnd kinden/die auffrörer vnd lesterer des  
Herren / Chore/Dathan vñ Abiram. Im Prophetē Amos  
Cap. 1. wirt auch eines Erdbidems gedacht/der zur zeit des

A 3. A 6

Königs Usia geschehen / darauff die verhörung des Lands  
Israel vnd gefencknis / wie Amos vnd andere Propheten ge-  
weissaget / erfolget. Wie erschrocklich aber der selb Erdbidem  
gewesen / ist im Propheten Zacharia am 14 zusehen / da er  
Gleichnuß weise angezogen wird. vnd ihr werdet / spriche der  
Prophet / fliehen wie ihr vorzeiten floget / für den Erdbidem /  
zur zeit Usia des Königs Juda / da wird de Kommen der Herr  
mein Gott / vnd alle heyligen mit dir / welchen Erdbidem Jos-  
sephus lib. 9. antiq. cap. 11. weitlaufig beschreibet / vnd Euse-  
beus lib. 9. de monstratione Euangelica, vnd solches auff  
die mancherley empörung / spaltung vñ secten des Jüdische  
volcks / vnd des selben vndergang deutet / wie ohne zweiffel  
auch der Erdbidem zur zeit des leidens Christi / da die Erde  
erhebet / die Felsen zersprungen / die verborgene Greber vnd  
Fluffen geöffnet / der umbhang im Tempel zerriß / neben  
der anzeigung der Felsen / vñ steinharten verstockten hertze  
der Juden / allen den jamer der vberwenig Jar hernach im  
Land angangen / vnd in der zerstörung Jerusalem vber 40.  
Jar / hauffenweiß Kommen sind / bedeutet hat. Wie auch diser  
vnd andere mehr Erdbidem / so bey menschen gedencken / son-  
derlich innerhalb 20. Jaren an vilen vnterschiedenen orten  
gewesen / vnd wie zu besorgen künfftig noch an mehr orten  
fürgehn wird / neben der straff / so sie gegenwertig verrichten /  
auch allerley künfftig vnglück / vnd nach der Weissagung  
Christi Matth. 24. seines nahende Jüngsten tages vorboten  
sein / Da er / wie der Prophet Zacharias / vnd er selbst mit  
gleichstimmenden Worten redet / mit allen heyligen Engeln  
kommen wird / vnd wie Paulus 2. Thess. redet offenbart  
werden von Himmel / sampt den Engeln seiner krafft vnd  
mit Feuer flammē / rach zu geben / vber die so Gott nicht er-  
kennen / vnd vber die / so nicht gehorsam sind dem Euangelio  
vnseres Herren Ihesu Christi / wölche werden pein leiden / das  
ewige

ewige verderben von dem angesicht des Herren/ vnd von sei-  
ner herzlichem macht/ wenn er kommen werde/ das er Hertz-  
lich erscheine mit seinen Heyligen/ vnnnd wunderbar mit allen  
Glaubigen.

Diueil aber Gott nicht lust hat an des Sünders tode/  
sonder vil mehr begert/ das er sich beßere vnd lebe/ vnnnd durch  
solche vnnnd der gleichen erschreckliche Zeichen vnnnd felle/ die  
sicheren auffmündert/ vnd kressfreiglich zur Buß vermanet/  
sollen alle menschen die dise vnd dergleichen Distorien gesehen  
oder hören / inn sich selbst gehn/ auß dem schlaff der sünden  
vnd sicherer heit auffwachen/ vñ durch ware buß sich zu Gott  
beßeren/ auch von Herzen seuffzen vnnnd bitten/ das der erew-  
barmherzig Gott / die woluerdienete vnnnd getreue straffen  
gnediglich abwenden / oder mildern wölle / vnnnd vns allen  
seine Gnade verleyhen der ewigen Straff zu entfliehen/ vnnnd  
mit freuden am Jüngsten tag/ für des Menschen Son  
zuerscheinen vnd zubestehn/ durch den selbst  
seinen lieben Son/ vnsern Herrn vnd  
Heyland Ihesum Christum/  
Amen.




Geerucke zu Straßburg/ bey Thibolt Berger/  
M. D. LXXXIII.









B.I.G.

Farbkarte #13

Blue Cyan Green Yellow Red Magenta White 3/Color Black

2

**ftige vnnnd Er.**  
**Zeitung / von dem Er**  
**Feurzeichen / Erdbidem / welche**  
**und wider begeben vnd zutragen hat.**  
**Berner gebiet / ein Dorff Juorna**  
**nd gar durch Erdbidem von Bern**  
**o eins langen Raifspieß vnder**  
**ket / sampt Dan Weib / Kinder**  
**orn / Gelt vnd Güte / zc.**  
**grund gangen.**

**Psalm. 18.** *Mg 176*  
 und bewege / vnd die grundfeste der Berge  
 er **BERA** zornig war.

*40 ml*



**LXXXIII.**

*Profibing*

